

KALA DUWANAANSHAHA DARAASAADKA TALLAALKA COVID-19

062421 SOMALI



Sida talaalada loo tijaabiyo

Dhammaan tallaalka, oo ay ka mid yihiin tallaalka cusub ee COVID-19, waxa ay maraan taxane diraa-sooyin iyo hubitaano ah (oo loo yaqaan tijaabooyin caafimaad) si loo hubiyo inay yihiin amni, iyo inay shaqaynayaan, ka hor inta aan la siin dadweynaha.

Waa muhiim in tijaabooyinka caafimaadka lagu daro kooxo dad ah oo kala duwan. Cilmi baareyaashu waxay u baahan yihiin macluumaad ku filan si ay u xaqiijiyaan in tallaalku yahay mid ammaan ah kuna shaqaynaya kooxaha oo dhan. Waa mid gaar ahaan muhiim u ah COVID-19 sababtoo ah bulshada aan caddaanka ahayn waxaa si xun u saameeyay cudurka tallaalkuna waxa uu bulshada ka caawin karaa inay horey u socoto.

Ma lagu tijaabiyay dadka aniga oo kale ah?

Waxaa laga yaabaa in aad dareento welwel ku saabsan in tallaalka COVID-19 lagu tijaabiyay dad aad isku sinji tihiin ama aad isku asal kasoo jeedaan ama aad qabtaan tabashooyin caafimaad oo isku mid ah.

Haddii aad tahay qof aan caddaan ahayn, waxaa laga yaabaa in aad si gaar ah uga welwesho qaadashada tallaalkadan. Takoorka caafimaad ee wakhtiyadii hore iyo wakhti xaadirkaniba waa mid jira. Waxaa laga yaabaa in aad is weydiinayso inaad aamini karto tallaalkaan iyo nidaamyadii sameeyey kuwaas oo horey u waayay aaminaadii kala dhexaysay bulshadaada.

Dib udhisidda kalsoonida



Saddex tallaalka ayaa heleen Ansixinta Oggolaanshiyaha Degdegga ah (EUA) oo ay ka heleen Maamulka Daawooyinka iyo Cuntada (FDA) si halkan Maraykanka gudihiisa loogu isticmaalo — Pfizer/BioNTech, Moderna iyo Johnson & Johnson. In ka badan boqol tallaalka oo kale ayaa soo saaristoodu ay maraysaa heerar kala duwan dunida dacalladeeda. Qaar badan ayay u muuqataa in la oggolaan doono mustaqbalka.

Marka ay noqoto tallaalka COVID-19, cilmi baadhayaashu waxa ay dadaal badan u sameeyeen sidii ay dib ugu dhisi lahaayeen kalsoonidii ay la lahaayeen bulshada waxayna ku dareen mutadawiciin kala duwan diraa-sooyinkooda. Waxa ay ku dareen kala duwanaanshiyo dhanka qawmiyadda ah, isirka iyo da'da, iyo sidoo kale xaaladaha caafimaadka. Daraasaadku waxay ay noqdeen kuwo dad kala duwan ay kaqaybqaateen marka loo eego daraasaadka tallaalka kale ee horey loo sameeyay. Iskujirka dadka ka qaybqaadanaya daraasaddu waxay ay mattalaysaa guud ahaan shacabka Maraykanka.

Daraasaadka tallaalka Pfizer

Wadarta guud ee dadka kujira Marxaladda 3 - ku dhawaad 45,000 oo qof

Ku dhawaad 30% ka qayb qaatayaasha Maraykankanka ahi waxa ay nafhooda u aqoonsadeen inay yihiin dad aan caddaan ahayn (44% dunida oo dhan).




Ku dhawaad 46% ayaa ugu yaraan lahaa hal xaalad caafimaad oo kordhinaysa khatarta cudurka COVID-19 ee daran, kuwaas oo ay kamid ahaayeen: cayilka, sonkorowga, iyo cudurada sanbabka.

Da'da ka qaybgaleyaashu waxay u dhexaysay 12 ilaa 56+.

Daraasaadka tallaalka ee Moderna

Wadarta guud ee dadka kujira Marxaladda 3 - ku dhawaad 30,000 oo qof

37% ka qayb qaatayaasha waxa ay nafhooda u aqoonsadeen inay yihiin dad aan caddaan ahayn.




Ku dhawaad 22% ka qaybgaleyaasha ayaa ugu yaraan lahaa hal xaalad caafimaad oo kordhinaysa khatarta cudurka COVID-19 ee daran, kuwaas oo ay kamid ahaayeen sonkorowga, cayilka, cudurada wadnaha, cudurada sanbabka, iyo cudurada beerka.

Ka qayb qaatayaasha diraasooyinka waxa ay da'doodu udhaxaysay 18 illaa 65+.

Diraasooyinka tallaalka Johnson & Johnson

Wadarta dadka kujiray Marxalada 3 ee Dirasoooyinka – ku dhawaad 44,000 oo qof

35% ka qayb qaatayaasha Maraykanka ahi waxa ay nafhooda u aqoonsadeen inay yihiin dad aan caddaan ahayn (76% dunida oo dhan).



Ku dhawaad 41% ka qaybgaleyaasha ayaa ugu yaraan lahaa hal xaalad caafimaad oo kordhinaysa khatarta cudurka COVID-19 ee daran, kuwaas oo ay kamid ahaayeen dhiigkar, sonkorow, iyo cayilka.

Ka qayb qaatayaasha diraasooyinka waxa ay da'doodu udhaxaysay 18 illaa 65+.

Dhammaan saddexda tallaalka ee la oggolaaday waa kuwo ammaan ah oo waxtarna leh. Sida dhammaan daawooyinka kale, khubarada caafimaadkku waxa ay sii wadaan inay dabogalaan inay jiraan welwelo dhanka amniga ah oo suurto gal ah oo ka la xidhiidha tallaalka. Waxa ay tan sameeyaan iyagoo maraya nidaamka ka werbixinta amniga ee loo yaqaan V-Safe. Qaabkan waxa ay awood u leeyihiin inay helaan waxna ka qabtaan welwelada xattaa ugu dhifsan marka tallaalka lasiiyo malaayin qof.

Tallaaladu waa ay ku ilaalin doonaan waxayna ka hortagi doonaan faafitaanka COVID-19. Waxa aanu ku talo bixinaynaa inaad qaadata tallaalka COVID-19 sida ugu dhakhsiyaha badan ee aad awoodo.

Ka raadi websaytka degmada “COVID-19” sii aad u hesho xog maxalli ah.

